



Piksa 1. Karamap saksak long maket



National Agricultural Research Institute

Lukautim Saksak Long Taim Bilong Bikpela San



LUKAUTIM YU YET LONG TAIM NOGUT

NARI TOKTOK SERIES
AIY023P

February 2003

Sapos yu laik save moa long dispela toktok na ol arapela wok bilong
NARI, rait i kam long:

Information Centre
NARI Wet Lowlands Mainland Programme
Bubia
PO Box 1639
LAE
Morobe Province

Telephone: (675) 475 1033
Facsimile: (675) 745 1248
Email: nariwll@datec.com.pg

TOK IGO PAS

Saksak em i bun tru i go pas long ol narapela kaikai long sampela hap bilong Papua Niugini. Long ol arapela ples, em i kam bihain long kain kaikai osem yam, taro, kaukau na banana. Planti lain nau i save kaikai saksak, bilong wanem, em i save poroanim gut ol arapela kaikai.

BIPO LONG TAIM BILONG BIKPELA SAN

- ♦ Saksak diwai i strong moa long ol arapela kaikai na i ken sanap longpela taim.
- ♦ Saksak em i wanpela strongpela kaikai inap istap longpela taim sapos yu rerim gut. Bipo long taim bilong bikpela san, wasim sakak gut tru na putim long san bai i mas drai gut.
- ♦ Ol sampela lain i save putim saksak, i drai gut long san, antap long ples bilong wokim paia bai i ken stap gut longpela taim moa.
- ♦ Yu mas save gut long ol ples we i save drai long taim bilong bikpela san na hap we wara i save stap yet. Larim saksak long ol ples i save gat wara na kisim ol dispela long ples i save drai inap taim dispela ol hap i drai tru. Dispela rot i halivim yu bai saksak ino pinis hariap.

- ♦ Taim ol ples i stat long drai, katim ol bus arere i raunim ol diwai saksak na kukim hariap. Taim ol bikpela paia i kukim bus i kam, ol ino igo kukim ol saksak diwai.

INSAIT LONG TAIM DRAI

- ♦ Ol wara i save drai long taim bilong bikpela san na i hat long wasim saksak. Long sampela ol ples, ol lain i save katim saksak na kukim nating long paia. Dispela em i gutpela sapos saksak i nogat planti rop insait.

TINGIM BIHAIN TAIM

Bilong halivim sindaun bilong bihain, i mas gat planti saksak long ol hap we wara ino save sot o ples ino save drai olgeta. Long sampela ol ples, ol lain i save planim saksak bilong ol pikinini bai i kam bihain. Dispela i gutpela pasin tru.

Osem na sapos yu katim wanpela saksak diwai, planim narapela bai i kisim ples bilong en. Long hap we wara ino save drai o pinis, planim planti saksak bai i isi long rerim long taim bilong bikpela san. Na tingim: **Lukautim saksak bai saksak i lukautim yu long taim nogut.**